

10 FEB 1999

MCA ANJUR JAMUAN MAKAN RAKSASA SAMBUT JUBLI EMAS

KUALA LUMPUR, 10 Feb (Bernama) -- MCA akan menganjurkan majlis jamuan makan raksasa di Stadium Nasional, Bukit Jalil, pada 25 Feb ini sempena sambutan jubli emas parti itu.

Setiausaha Agungnya Datuk Dr Ting Chew Peh hari ini berkata jamuan itu akan dihadiri kira-kira 12,000 tetamu dan anggota parti itu dari seluruh negara.

Perdana Menteri Datuk Seri Dr Mahathir Mohamad merupakan tetamu kehormat, kata beliau.

Katanya turut diundang menghadiri majlis itu ialah semua menteri, timbalan menteri, setiausaha parliamen dan pemimpin parti komponen Barisan Nasional.

Katanya majlis makan malam itu adalah antara beberapa acara yang diadakan untuk sambutan ulang tahun ke-50 MCA pada 25 hingga 27 Feb.

Beliau berkata pada 27 Feb satu majlis bagi menghormati anggota veteran MCA meliputi mereka yang menjadi anggota antara 1949 dan 1963 akan diadakan.

Dr Ting juga berkata MCA akan mengadakan majlis rumah terbuka sempena sambutan Tahun Baru Cina pada 16 Feb di Wisma MCA mulai 9 pagi.

-- BERNAMA

MT NMO